



Uunga
Inatsisartuni ilaasortaq
Aaja Chemnitz Larsen

Nakorsaaneq tarnikkut nappaatinik immikkut ilisimasalik (tarnip nakorsaa) pillugu § 37 naapertorlugu apeqqummut akissut

30-03-2015
Suliap nr. 2015-110936
All. nr. 1911240

Inatsisartuni ilaasortaq Aaja Chemnitz Larsen § 37 naapertorlugu qulequttamut pineqartumut tunngatillugu apeqqutaasimasut malitsigisaannik apeqquteqarnera pillugu qutsavigaara.

Postboks 1160
Tlf: 34 50 00
Fax: 34 55 05
3900 Nuuk

Email: pan@nanoq.gl
www.naalakkersuisut.gl

Imm. siullermut tunngatillugu)

Tarnip nakorsaata qaratsamigut ajoqusersimasup 2005-imiit 2006-imut sap. ak. qulaaluani Kalaallit Nunaanni atorfeqarnermini napparsimasut qassit nappaataat suussusersisimavai?

Tarnip nakorsaa pineqartoq Dronning Ingridip Napparsimmavissuani 2005-imiit 2006-imut katillugit sap. ak. qulaaluani sulivoq. Peqqinnissaqarfik pilertortumik ersarissumillu paasissutissiinnaasumik sullississuteqanngimmat, tarnip nakorsaata pineqartup napparsimasut qassit nappaataannik suussusersisimanissaa, Peqqinnissaqafimmit imaalliallaannaq ilisimatitsissutigineqarsinnaanngilaq.

Tarnip nakorsaata pineqartup, Qallunaat Nunaanni namminersorluni napparsimasunik piffissami sivisuuni nakorsaanermik suliaqartut assigalugit sulisimannginnera, Dronning Ingridilli Napparsimmavissuani tarnikkut nappaatinik immikkut ilisimasalit, napparsimasunik nakorsaanerup suleqatigiaanit (nakorsanit immikkut ilisimasalinnit, peqqissaasunit sundhedsassistentinillu) ingerlanneqartumi suleqataasimanera ilisimatitsissutigineqarsinnaavoq. Taamaammat kukkusumik nappaatinik suussusersisoqarsimassappat nakorsaasoqarsimassappalluunniit nakorsaanerup aallartinnerata kinguninngua paasineqarsimassasoq, peqqinnissaqarfik naliliivoq.

Nunatsinni Nakorsaaneqarfik nakkutilliissuutitaasoq pisumik tamatuminnga ilisimatinneqarpoq. Peqqissutsimut Naalakkersuisumut qanoq inassuteqaateqarnissap naliliiviginissaa siunertaralugu nakorsap pineqartup Dronning Ingridip Napparsimmavissuani sivikitsumik taartaagallartarnera pillugu, Nunatsinni Nakorsaaneqarfik qulaajaalluni aallartippoq.

Imm. aappaannut tunngatillugu)

Tarnip nakorsaata qaratsamigut ajoqusersimasup 2005-imiit 2006-imut sap. ak. qulaaluani Kalaallit Nunaanni atorfeqarnermini napparsimasut qassit nakorsarsimavai?

Akissut siulleq takuuk

Imm. pingajuannut tunngatillugu)

Napparsimasut pineqartut nappaataasa suussusersinerat nutaamik naliliivigineqarpa?

Siuliani taaneqareersutut tarnimikkut nappaatillit tamarmik nakorsanit tanikkut nappaatinik immikkut ilisimasalinnit, peqqissaasunit sundhedsassistentinillu akuttunngitsunik takuneqartarput. Taamaammat peqqinnissaqarfiup naliliinera naapertorlugu kukkusumik nappaat suussusersineqarsimassappat kukkusumilluunniit nakorsaasoqarsimassappat paasilertorneqassaaq aaqqiivigineqarlunilu. Tarnip nakorsaa pineqartoq kisimiilluni sulisimangilaq napparsimasullu attavigisimasai nakkutigineqartuarlutik.

Imm. sisamaannut tunngatillugu)

Tarnip nakorsaanit qaratsamigut ajoqutilimmit nakorsarneqarsimaneq pillugu napparsimasut pineqartut toqqaannartumik allaffigineqarnissaannut Naalaakkersuisut pilersaaruteqarpat?

Qulaani taaneqartutut tarnip nakorsaa pineqartoq sivikitsuinnarmik nunatsinni sulisimavoq. Tarnimikkut nappaatillit pineqartumit nakorsarneqarsimangikkunik nappaamminnik suussusersisat tamarmik ilinniagalinnit allanit misissorneqareersimassapput. Piffissami pineqartumi napparsimasut ilaannik nappaataat kukkusumik suussusersisanik nakorsakkanilluunniit Peqqinnissaqarfik Nunatsinni Nakorsaaneqarfilluunniit ilisimasaqanngillat.

Imm. tallimaannut tunngatillugu)

Dronning Ingridip Napparsimmavissuani tarnip nakorsaanik qaratsamigut ajoqusersimasumik atorfeqartoqarsimaneq pillugu innuttaasunut paasissutissiiniarlutik Naalakkersuisut nalinginnaasumik qanoq iliuuseqarniarpat?

Innuttaasut ernumassuteqartut peqqinnissaqarfimmut saaffiginnissinnaanerit pillugu Peqqissutsimut Naalakkersuisoq tusagassiuutinut nalunaaruteqareerpoq. Tusagassiuutinut nalunaarut tamakkiisoq uani atuarneqarsinnaavoq:
www.naalakkersuisut.gl

Imm. arfernannut tunngatillugu)

Napparsimasut pineqartut naliliivigineqaaqqinnissaasa periarfissinneqarnissaa qulakkearniarneqarpa?

Ernumassuteqartut nappaatertik pillugu oqaloqateqarniarlutik peqqinnissaqarfimmut saaffiginnissinnaapput. Siuliani taaneqareersutut Peqqissutsimut Naalakkersuisup tusagassiuutinut nalunaaruteqarluni innuttaasut ernumasut saaffiginneqqullugit kajumissaarpai.

Inussiarnersumik inuulluaqqusillunga

Med venlig hilsen

Martha Lurd Olsen